



Broj: 12-27-14327-10/19
Zenica, 04.12.2019. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12-27-114327-9/19, od 26.11.2019. godine, u otvorenom postupku javne nabavke za radove broj: 1417-1-3-15-3-14/19 od 24.09.2019. godine, Ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Izgradnja mosta preko rijeke Trstionice na regionalnoj cesti R 466 dionica Čatići-Kraljeva Sutjeska, ST 9+092 km, općina Kakanj” broj: 1417-1-3-15-3-14/19 od 24.09.2019. godine, ponuda grupe ponuđača “Trgošped” d.o.o Kakanj i „Hering“ d.d. Široki Brijeg (broj: VP - 74/19 od 13.11.2019. godine) sa ukupno ponuđenom cijenom od 384.612,19 KM (bez uračunatog PDV-a) izabrana je kao najpovoljnija.

II

Grupa ponuđača “Trgošped” d.o.o Kakanj (ID broj: 42180576990003), adresa Ul. Branilaca bb, 72240 Kakanj, i „Hering“ d.d. Široki Brijeg (ID broj: 4272011640006), adresa Ul. Provo bb, 88220 Široki Brijeg, je u ponudi dostavila dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije, te će ugovorni organ u skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) zaključiti ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača “ELAN TRADE” d.o.o. Kakanj se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12-27-14327/19 od 23.09.2019. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-15-3-14/19 objavljeno je na Portalu javnih nabavki 24.09.2019. godine, a Ispravka Obavještenja o nabavci broj: 1417-1-3-15-8-25/19 objavljena je na Portalu javnih nabavki 18.10.2019. godine.

Komisija za javne nabavke imenovana rješenjem broj: 12-27-14327-5/19 od 12.11.2019. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristigle su ukupno 3 (tri) ponude.

U periodu od 13.11.2019. godine do 23.11.2019. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača "ELAN TRADE" d.o.o. Kakanj nije dostavljena u skladu sa uslovima iz tenderske dokumentacije, odnosno nije dostavljena na propisanom Obrascu za cijenu ponude koji je priložen uz Izmjene tenderske dokumentacije, broj 12-27-14327-3/19 od 18.10.2019. godine.

Naime, ponuđač „ELAN TRADE d.o.o. Kakanj je u ponudi broj 90-11/19 dostavio popunjen Obrazac za cijenu ponude - radovi Prilog II koji je Izmjenama Tenderske dokumentacije, broj 12-27-14327-3/19 od 18.10.2019. godine stavljen van snage i umjesto njega uz Izmjene TD svim ponuđačima putem portala „e-Nabavke” dostavljen novi Obrazac. Uvidom u Izvještaj o preuzimanju tenderske dokumentacije od strane ponuđača vidljivo je da ponuđač ELAN TRADE d.o.o. Kakanj istu nije preuzeo sa portala javnih nabavki. S obzirom da je Izmjenama tenderske dokumentacije broj 12-27-14327-3/19 od 18.10.2019. godine, Obrazac za cijenu ponude promijenjen u dijelu „Radovi koji nisu obuhvaćeni opisom” tako što je brisana pozicija broj 113. – „Projektantski nadzor nad građenjem objekta”, komisija je ocijenila da ponuđač ELAN TRADE d.o.o. Kakanj ponudu nije dostavio na važećem propisanom obrascu iz Tenderske dokumentacije. Takođe, tačkom 12.6.1 pod a) tenderske dokumentacije je propisano da ponuđači trebaju ispuniti sljedeće minimalne uslove „Uspješno iskustvo u realizaciji 1 (jednog) ugovora na izgradnji armirano-betonskog mosta minimalne dužine 20,00 metara u posljednjih 5 (pet) godina (2014., 2015., 2016., 2017. i 2018.)“ , dok je tačkom 12.7. pod a) propisano da će se ocjena tehničke i profesionalne sposobnosti ponuđača izvršiti na osnovu „Spiska ugovora iz oblasti niskogradnje – izgradnja armirano-betonskog mosta minimalne dužine 20,00 metara a koji su realizovani u posljednjih pet godina (2014., 2015., 2016., 2017. i 2018.) i potvrda naručioca o uspješno izvedenim radovima“.

Naime, ponuđač ELAN TRADE d.o.o. Kakanj u svojoj ponudi nije dostavio spisak i potvrde nego je dostavljen ugovor i Izjava o spriječenosti dobijanja potvrde ali ne i dokaz o učinjenim pokušajima da se potvrde osiguraju. Iz dostavljene izjave o spriječenosti dobijanja potvrde se vidi da se radovi još uvijek izvode te da još uvijek nije izvršena primopredaja istih.

Dakle, ponuđač ELAN TRADE d.o.o. Kakanj iz dostavljenih dokumenata nije dokazao da ispunjava minimalni uslov iz tačke 12.6.1 pod a) tenderske dokumentacije, odnosno nije dokazao da ima uspješno iskustvo u realizaciji 1 (jednog) ugovora na izgradnji armirano-betonskog mosta minimalne dužine 20,00 metara u posljednjih 5 (pet) godina (2014., 2015., 2016., 2017. i 2018.).

Imajući u vidu navedeno, ponuda ponuđača ELAN TRADE d.o.o. Kakanj, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) se odbacuje, jer nije potpuna i ne ispunjava zahtjeve iz tenderske dokumentacije.

Ponuda grupe ponuđača „TRGOŠPED” d.o.o. Kakanj i “Hering” d.d. Široki Brijeg, te ponuda ponuđača “Džekos” d.o.o. Sarajevo, ispunjavaju postavljene uslove, te je za 26.11.2019. godine zakazano provođenje e-aukcije, sa početkom u 11:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a
1.	Grupa ponuđača TRGOŠPED d.o.o. Kakanj i HERING d.d. Široki Brijeg	384.612,19
2.	DŽEKOS d.o.o. Sarajevo	480.920,62

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za grupu ponuđača “TRGOŠPED” d.o.o. Kakanj i HERING d.d. Široki Brijeg. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Ugovor za „izgradnju mosta preko rijeke Trstionice na regionalnoj cesti R 466 dionica Čatići-Kraljeva Sutjeska, ST 9+092 km, općina Kakanj”. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda
- Izvještaj o toku i završetku e-aukcije

Dostavljeno:

3 x svim ponuđačima,
1 x a/a



MINISTAR


(Arnel Isak)